

事數九能住百餘春詩中早願同人悟莫信  
來生再有因

夏甲集

金液大丹詩

歸五

一物產乾坤二儀生藥根陰靈合地魄陽氣  
出天魂化虎行金路飛龍隱木門日精煎月  
影數足住崐崙

真水伏真火真出美金金真伐木化歸土

生同欽日月陰陽錄風雲龍虎擒三迴四五

足度世免滯沈

造化久沈滯須拋生死枯紅鉛天界重白汞

道門珠粟氣神龍虎成形道歸夫陰陽真水

火鍊畢詣仙都

九轉運三般真心鍊不難虎生神水猛龍化

聖金寬金木情通體乾坤產大丹五行精入

腹策上九霄壇

人知千日鉛真汞自相連修鍊三秋畢煎成

一虎顛龍威懾虎踞虎猛懾龍眠生化門開

勝神丹出世玄

一物合天長九還七返光隨鉛覓不得遂承

隱飛颺化虎通泉伏為龍入火藏神明通大

道鍊出藥中王

識得木精華堪栽池上芽調勻分火焰收取

美金花猛虎神光絳潛龍閃雷差一時悟聖  
道千日鍊朝霞

論鉛不識鉛為知理又玄青龍非起伏白虎

隱藏眠暗合和真氣分明感上仙修丹功力

太了畢志通天

士癸大丹池丙丁真藥基庚辛生虎力甲乙

曜龍威日月增光彩陰陽換素表神仙傳火

候戊己戴人飛

因思內五行契地合天并化虎成金體生龍

表木形三花分節鍊一物裏邊經七返九還

後超凡人聖靈

明取大丹心水銀中且尋東龍繞際會西虎

自相欽情性通和睦含藏呼吸深鍊成真一

氣度世脫浮沈

大道本無名靈丹顯道行乾坤開聖物龍虎

產神明水火真元氣陰陽鍊日精月輪三十

六燦爛服長生

一者水為真三通仙路人四開花曜日二鍊

鍊精神五彩全陽氣九還丹出塵運經十二

季生化起騰身

鉛汞大丹者真人類合群乾坤孕靈氣龍虎  
擊開溥五彩光明顯三般情性分鍊經九轉  
後按宅入青雲

達者更重觀還丹藥五般仙人親手鍊凡士  
役心搏識虎從師究知龍審道看三冬文武

轉光照九天寒

神水灌華池有無生化知青龍交虎體白虎

吸龍脂二物通神聖三般混彩儀鍊花十日

上成土奉天時

入道切知非齋心空盡微身名仙界許鉛汞

聖歸依龍虎還丹本夫妻喻樂基陰陽分志

訣了悟得人稀

有物使人迷神仙上遍窺火龍披水廓水虎

建金脾化虎稱真婿微龍立聖妻成親生大

道迎入九功闈

道開天地齊仙路莫能窺鉛汞分明悟雲車

駕不迷坎离定南北震兌正東西四象燒龍

虎奇功志不低

經訣論參同陰陽北起南兒年四五六女歲

十二日月交昏偶夫妻美更食化丹因火

道九轉不虛談

靈丹顯道潛一氣運行炎感日月交媾化虎

龍蝕感仙人戲金木旦暮弄烏蟾開悟長生

理因鉛謝老聃

鉛汞運春秋乾坤中好修功成超世藥餌後

達天遊陽鍊魂生聚陰消魄散收牽龍弄唱

虎二物聖通流

道在目前求黃芽不著披金山開虎谷木水

獸龍漱陽氣龍呼出陰風虎吸收靈炎燒聖

水丹化九天遊

青龍白虎擊鉛配合道家男女同情性夫妻

耀彩霞陰陽中一物旦暮猛三華十八甲子

後凌雲路不差

陰陽隱藥苞仙使降開抄大道神通畢還丹

聖不拋龍情左畔蒼虎性右邊交瞳下元君

喜玄門羽客敲

一物灌三金五行諸歷深西收停虎嘯東攝

定龍吟聖地成丹體唯天合道心鍊陽三九

轉仙來歎皆歎

日月大丹精神仙顯至靈陰陽和會畢龍虎

自交并水火通真氣朝昏體鍊形三迴寒暑  
力甘美味唯馨

進道理何憑持心淨若米黃鉛招感應黑汞

露精凝二物生光燦三花運彩興陰精消亦

絕陽力躡雲昇

黑水淨幽沈白鉛得處深西金伏東木東木

本西金際會難分手和同契合心三秋經歷

後十日鍊光陰

萬物脫其形三才人最靈知鉛修汞訣明道

合天經鍊虎通丹力擒龍制藥餐饜經寒暑

盡真入會仙亭

鉛汞速傳聲由其水火蒸應天地神聖合日

月交勝化道含靈氣令人不壞崩金丹三載

鍊一粒起雲騰

道本隱玄微開因五彩基通天稟靈氣聖地

鍊光輝雲掩龍生化風停虎喪成九秋鑪裏

見脫體挂仙衣

修丹志莫論鉛汞得稱尊養汞華池產收龍

聖火存陰陽翻復鍊日月往來奔運動三花

遍仙人喜到門

一正藥根源二關龍虎門三憑日月化四鍊魄并魂五拔陰陽力六調寒暑證七真神聖見八喜利乾坤

二物合相逢陰陽結氣濃水沈生白虎火猛產青龍造化神功感通靈聖莫窮五行千日

鍊雲鶴駕親供

鉛汞日相隨人多不悟迷香冥潛水土燥爛照東西情性神光結陰陽聖力齊調傳二十

七仙籍已標題

鉛汞久聞名知玄少得成紅鉛出黑液白汞

入黃經龍虎生金髓房參化本精選花千日

裏入腹九寶迎

真乘神仙息真鉛聖藥基宿生曾近別繞說

悟玄機三載神丹耀九還光色暉後來修道

者問取紫河衣

唯道包天地乾坤出藥頭五行俱感化四象

遍經流神水為元首靈金入木修誰知真火

聖變土九天遊

木產寶堪任水裏出真金內五行精得此三般物深鍊陰陽氣聖虎得龍欽火候終千

日丹光仙衆臨

大藥重還丹沖天一粒養龍威擒虎力虎猛

攝龍騰三載同胎後三般摘一般入神又十

月成土坐金壇

水土要知真坤元勝地親震潛靈聖木萬寄

火金身內五行須識修千日鍊神精搜窮八

卦龍虎裏藏珍

堪嗟浮世界難拋生死門速須修聖藥纔就

敵乾坤神水煎龍魄靈炎鍊虎魂功夫三載

後一粒面天尊

辭想轉沈浮分明道不辜神仙應悟達生死

擺榮枯大道根元化修身賦命蘇五行真訣

了如頂灌醍醐

黃鉛勝入玄黑汞湧靈泉二氣相逢合三花

暗裏煎東西依日月南北運時年功夫三載

後光明策列仙

無形聞大道有藥隱幽玄真水理真火紅鉛

謝黑鉛五行收氣足四象返風旋運大陰陽

匪靈丹照碧天

乾坤交泰時日月孕華池青木三花隱白金

七女知夫妻正金木各產虎龍兒九轉三周畢通靈更不疑

允澤藏金虎震雷潛木龍兩風交際會情性合溫恭水土崇根蒂陰陽均本容宿緣明妙

理不與世人同

真鉛在香冥恍惚好藏形南北先交結東西

後合并三年行火力九轉得丹馨寒暑陰陽

勝乾坤產藥靈

大道人難識誰知內五行乾坤權掌內魂魄

上心地魄開真理天魂露聖靈若教通此

物身挂九天名

水土孕黃芽火金生白花東隣嬌女愛西舍

好兒誇和會因三載陰陽媒兩家庚辛室裏

鍊十日變朝霞

水火成肌骨木金生藥根黃鉛生白信白汞

謝瞻恩四象輪流定三花節後奔莫辭千日

苦迎送入天門

木男迴作女金女轉為兒聖水濯形體靈炎

鍊表儀玉翁傳物象王母配夫妻三歲丹光

照神仙慕結知

欲識藥根源須知天地鉛乾坤開啓後禹坎  
已當前水火調情性陰陽配不偏功夫三載  
後一粒起騰天

明道無中有迷途笑有無降天陪地魄感地  
合天符產出真金子婚他木炁奴三周光燦

爛名已奏皇都

陰陽呼吸精交泰感通靈白虎一官立青龍

二載并三花潛運轉四象總須經十日離全

塌歸真不鍊形

虎生因黑水龍變脫紅章二物通神氣三般

合聖方陰陽增藥力寒暑蓮花光七返九還

後道造水壽長

靈鉛水銀君靈汞火鉛臣悟得陰陽理方知

情性真東西金木合年月日時親凡火通仙

火須明進退頻

有物混天機無非達士知為龍伏作虎呼婿

本來妻轉弄從金木周旋別坎離三花功力

遍超勝離愚癡

水火不和比世人共所知內藏真水火匹配

美夫妻功力玄難曉誰明顛倒支五行呼吸

遍十日藥無疑

大道分清濁先開衆妙門真鉛孕陰魄真汞

產陽魂蟾影煎靈魄烏精鍊聖魂延年重陰

火靈藥對乾坤

陰火仙人開陽波羽客分二門開悟理三物

顯珠動虎嘯稱金父龍吟正火君氣行依曆

數三十月騰雲

長生道可窮丹好論仙容虎性生龍體龍情

著虎蹤虛無神感化自有勝相從五彩通天

德三秋絕大供

舉世重真鉛令人保命全木魂隨羽客水魄

問神仙恍惚濛濛恍玄中又更玄鍊經節後

正名挂九重天

欲識白金花堅求黑汞沙不經從黑白何處

覓黃芽花自青龍血砂從白虎芽五行四象

足三載上河車

陰陽顛倒顛地復長天真水呼真火黃鉛

吸黑鉛乾坤交泰合龍虎喜同眠運動三花

絕昇騰微上去

長生誰不願度世覓丹修鉛往靈峯採承隨

神水求水煎過九夏火鍊及三秋金室功夫  
後歸天得自由

一氣道中玄陰陽列自然華地通黑水真汞

慕黃鉛白虎生十月青龍吹二年鍊經三九

月輕舉接神仙

龍虎大還丹尋思難得難得來如反掌未達

守虛壇陽永生元氣陰沙住歲寒三花依節

候堪做玉皇看

水火人多難誰知作得丹五行顛倒轉三載

絕包理呼吸通神靜陰陽運用歡功夫靈藥

就輕舉入雲端

陰陽顛倒行日月鑄丹成龍過華池死虎逢

神水生東西合道正南北運花明五彩真收

氣騰空鶴駕迎

內五行誰識玄真氣沃南經年金虎受改歲

本龍貪運轉花心苦修成藥味甘玄上光已

照丹就顯寧堪

日月各遺光精流不死方化龍木火裏變虎

水金藏四象經綸合五行落土鄉丹成三十

月人服詣天堂

太一神官粉明窻塵更觀木精金性定黃老  
紫遊真木火龍飛躍水金虎踞巡五行氣相  
感丹力摧仙窟

寒暑氣交馳神仙體候之捉龍搜甲地獵虎  
探庚陂修鍊從龍子功成藉虎兒生擒死聖

地九轉奉天時

日月耀光華法天路不差三陽沈黑水十月  
配黃芽虎伏金輕健龍潛木道奪陰陽三九  
轉真到紫河車

鉛須不黑真汞錯用砂銀木液精靈聖金華  
池入神虎生壬癸裏龍起甲乙隣天地數遭  
匪紫遊光照人

毋因子化翁金結木家容二載迴顏色一時  
奪日紅銷陰成道畢鍊氣入神通已正還丹  
號長生透碧空

有物隱真名生通天地靈日宮傳骨氣月窟  
養身形修鍊陽魂正消除陰魄停丙丁文武  
絕一粒度三清

大道不虛傳開關天地元不知靈物異顯遇  
聖人言作虎因鉛化稱龍詒承宣鍊經日月

足繞服上仙園

至藥理何長陰中鍊取陽纔分南北道已正  
東西廂龍虎潛呼吸房參暗主張九還丹七  
返身湧起翔翔

靈芽水有情孽水得強名秋採金中髓春儲

木內精從坤通紫磨入聖化黃輕戊己中宮  
坐相扶微上清

坐世藥中玄生從天地鉛陰陽產龍虎金木  
化丹田進退三花密調停二氣旋無中修得  
有換骨正神仙

黑汞生白汞從蒙入聖功南魂長自北西魄  
姤來東日月陰陽感夫妻匹偶同三秋二十  
七丹力達神通

有物太陰精唯坤靈本名三般通正道五彩  
更分明伏虎神仙鍊燒龍日月烹合同經轉  
數身聖脫凡情

鉛汞遠傳名從真水火生黃輕產白汞白汞  
化黃輕二物同體一人不從行九陽親鍊  
出火絕來仙迎

黃鉛復黑鉛白汞聖通玄西澤中男偶東宮

蛇女賢成親隨日月化道證神仙九鍊丹光  
顯長生不記年

造化力齊天還丹中列篇陰陽調五彩鉛汞  
運三玄龍虎精呼吸房參宿暗煎莫拋真水  
火修鍊摧神仙

五彩一物生三元九轉行真陰陽色正真水  
火煎成真汞因鉛立真龍化虎稱鍊光同日  
月三九顯分明

日月未長生乾坤本自平靈丹玄妙理大道  
香冥精四五金花美六三木一頁外炎通內  
火榮辱任他爭

真水出乾元真金產木門神池收虎魄聖火  
伏龍魂日月載魂魄陰陽鍊子孫九還歸戊  
己鶴駕謁天尊  
金液大丹詩